

《中國地方藝文薈萃》編輯會 編

學苑出版社

中國地方藝文薈萃

遼東卷·第二輯 叁

華東卷・第二輯 叁

中國地方藝文薈萃

《中國地方藝文薈萃》編委會 編

國朝杭郡詩輯三十二卷姓氏韻編一卷（三）

國朝杭郡詩輯三十二卷姓氏韻編一卷（三）

（清）吳顥原編、（清）吳振棫重編

據清同治十三年（一八七四）錢塘丁氏刻本影印。

國朝杭郡詩輯卷十四目

雍正朝人生于康熙沒于乾隆者約畧爲次

王德沅 王德淇 諸吳發 黃樹穀 范炳

洪之震 龔之銑 龔之鏐 查開 吳焯

吳燄 沈嘉轍 陳芝光 徐繼穉 汪先舒

周永銓 諸朝棟 李杜 楊大晟 余國士

沈子豐 倪文 沈緒延 俞班筍 施槃

柳葵 趙泰 柴才 張寅 俞良模


諸師孔 吳鉅 章炳 俞珮 鍾彝鼎

徐瀾 范肇新 吳一楨 沈梓 厲鵠

楊楷 程鉉 董廷鐸 方策 徐夢元

金農 丁敬

凡四十七人



國朝杭郡詩輯卷十四

錢唐吳顯原本孫振棧重編

王德沅字湘鄰錢唐例貢官瑞安訓導

退庵氏曰雍正四年奉詔各省司訓概恩拔歲副貢生見任中如有由例貢出身者改銓主簿等官湘鄰例離任旋卒于家

題吳山笙鶴樓

胥山道士好樓居樓俯明湖畫不如千疊女垣當檻密一鉤
新月上簾疎鶴回碧漢飛清籟笙落瑤壇轉步虛安得他年
謝塵事結茆吾亦愛吾廬

王德淇字瞻萊仁和貢生有隴雲初集

穀雨

穀雨雨乍晴林光淨如拭陰雲閣不流遙山翠猶滴肩輿緩
緩行賞心隨所擇享此無邊春莫惜春衣溼

結屋

小結三間屋寬如一葉舟書囊藏枕尾酒甕著牀頭看月通
宵得焚香盡日畱此中能不繫權作五湖游

銀星井研

體用均堪貴無慚卽墨君井田師地則星象具天文搏拊聲
如玉吹噓氣似雲神光來夜半花散自繽紛

諸吳發字有貞號蘿石九鼎子錢唐監生

寄汪舍亭客四明兼柬陸二槿垣彭三菊逸

四明諸峯二百八十二峯峯奇特難端倪三子飄然眞仙骨
可曾一一同攀躋試從絕頂窺石牖星宿日月宮中低山心
捧出青芙蓉古隸鐫刻誰標題其餘詩文有紀述歲久剝蝕
恐已迷金鑱鐵屐得攜取好登還嶂層崖梯上有松根之茯苓

苓下有洞口之舟溪刷苓掬泉穀可辟游山之糧無庸齋惟
應美酒擔十斛但逢林巒佳處痛飲干玻璃從來天地閱靈
境此中定有神仙棲倘能乞得不死藥歸來勿吝分刀圭

黃樹穀字培之號松石又號黃山仁和人

有楷癭齋橐

松石爲明參議寓林先生七世孫少爲綠牡丹詩爲藝
林傳誦父景林歿于保定松石沂江渡河至棗林遇大
水泛濫行旅斷絕跣足行泥淖者再始達保定瘞棺所在水
附蟹舟行遭大風幾覆溺者再始達保定瘞棺所在水
齧露前和起之已朽乃號泣函骨以歸冒雨跣行七晝
夜至德州始獲附舟南返繪涉水負骸圖以志痛方景
林歿時寄顏未寫乃刺血書父生平每薦享懸之堂中
哭祀之少耽經史于六書尤有神悟詩文名重當時有
欲以經明行修薦者辭不應篤友誼不以貧故吝周急
母喪過時猶哭竟以致疾立廣仁義學聚書以公同嗜
晚遊孔林得楷木之癭攜置義學中遂以自號雍正丙
午議開西湖松石言宜直濬不宜橫濬當事聞而奇之
又于病中得治河法并治河之器曰清河龍有清河龍
說其他著述有格物攷河防私議百衲琴清華錄卒後
鄉人私諡曰端孝先生所居在娑羅
橋卽玉照堂舊址府志入孝友傳

琴臺看梅和讓山上人韻

法華臺畔憶琴臺聞道梅花已徧開
春到豈無人共訪夜深應有鶴重來
何當踏月參疎影卻恐題詩破古苔
妙筆清真見香色一回吟誦一徘徊

夢父還鄉圖

行畧空勞刺血書先容未寫痛何如
筆端想象神難肖夢裏分明醒卻虛
昨夜還鄉宛然在大家團聚說當初
三年南北三千里盼煞白頭人倚廬

示兒庭

六代書香一綫存頭顱如許尚何言
力營義學藏經籍予方少參講堂爲廣仁義學聚書以待孤寒有志之士要使清官有子孫俗云清官無後汝已八齡須識字誰能三載不窺園
卻將韓富歐陽范學取東坡子

細論

前久請講東坡
范文正公集序

負骸圖

負骸孤走保陽城日日愁霖淚雨傾祇有父魂兒命在夜來
同夢晝同行

癸丑冬夜宿淨慈萬峯房示永明後人

為展松楸到梵村墓門華表百年存白頭山嫗遙相指黃佛

兒家七代孫

按參議公人
呼黃佛兒

范炳字虎徵號鶴亭又號蔗翁錢唐人有蔗翁詩藁

蔗翁世居臨平鎮後遷城中居織染局未冠嬰疾遂棄
帖括惟間為詩歌而已性喜結納于貧賤失志之友訂
交尤篤厚閱十年病愈幕游四方以養親垂三十年
憲廟御極詔天下自一命以上各舉所知無為州牧
姚君璞岑欲以蔗翁薦固辭曰某非坐作聲價念母氏
老矣瞻望白雲遠游可慮捧檄之意非某志也客京師
時有達官者勢張甚欲羅致固辭不往已而達官果敗
遭親喪後杜門不復出所著有為政指南兩窗紀聞二

書年七
十四卒

喜晴

霖雨苦十日乍晴心爲歡開門放日影始見門前山山色翠
欲滴嵐氣猶相纏雪瀑瀉危石松風響層巔呼僮移我榻便
我看山眠野鳥亦有得關關飛林間

作畫寄董更村

去年同過高郵湖涼風颯颯秋林枯空塘人少日欲暮天陰
曠野聞啼鳥今年回憶去年時繪出離情寄所思寒鴉不散
汀洲水葭莢蒼蒼飛鷺鷥

江上晚泊

日落空江靜停橈古堠邊陰畱深澗雪寒結隔林烟我自歸
心急人誰客子憐梅花消息好春意報新年

同陳敬庵李春田沈脩農虎邱寺後山小飲

小構依巖出登臨倦眼開
天邊河影沒雲際布帆來
亂竹紆僧徑秋花落講臺
相將愛幽僻移席就蒼苔

客齋種扁豆摘取爲羹

負郭無農課他鄉學圃能
短牆堪種豆枯樹借沿藤
帶雨繁花重垂條翠莢增
烹調滋味美慚似在家僧

穀雨方攜子梅天已發秧
枝枝盤作蓋葉葉暗遮房
伏日炎風減秋晨露氣涼
連朝僮僕喜採摘報盈筐

吳興城南樓

三年爲客此登樓欲借憑
高散旅愁弁嶺遠呈雲外
翠苕川直到郡門流當時
聞有窪尊會勝事誰追逸
老游漫惜古人徒悵望落
花殘照滿汀洲

春耕

五戊才過社鼓齊鄰翁相喚事東畦已逢花信風連日好趁
鳴鳩雨一犁土脈正蘇牛犢健春寒未減麥苗低綠楊紅杏
村莊小荷鋤歸來望欲迷

壑菴觀梅懷閭晴峯

湖南春色正當期重訪精藍念舊知可惜梅花不同賞天涯
何處寄相思

重過招賢寺

孤山亭北西村路頻泛扁舟到水濤今日禪房春寂寞落花
芳草憶歸人

洪之震字洵脩昇子錢唐諸生

奉和兩江慶制府春日江行圖

醵隼春江裏風吹使者槎輕烟迷遠岸奔浪嚙積沙關塞三年夢浮生一水涯近來添逸興活水煮新茶

詠粉團花次范容安韻

柳濃花暖暗江城得似此花氣味清碎雪作團愁夜冷好風破蕊喜春晴千層月影玲瓏巧一片冰姿補綴成自笑愛梅原有癖曉窗相對又牽情

龔之銑字仲嘉號鐵菴錢唐人

鐵菴與兄半帆弟北溟並有詩名惜不永年故所傳絕少

舟至桃源寄明水家兄

弟兄團聚喜連宵又爲飢驅撥短橈故國鶯花方豔冶羈人情緒劇蕭條荒村古樹無春色細雨輕帆趁暮潮一樣青青河畔草不堪別後夢迢迢

龔之鏐字繼武號北溟錢唐人有北溟遺橐

秋夜同人宴集

同是天涯客清宵且放愁蟲吟當戶月人醉別鄉秋樹靜露
華結夜寒燈影流相思知有夢莫自倚南樓

甘泉席上朱玉壺姊壻以詩問訊依韻荅之

花底重聯金屈卮卻憐往事費追思還將驛路旗亭泪灑向
燈闌酒醒時潞水秋高沙似雪廣陵春老雨如絲十年孤負
揚州夢輸與風流杜牧之

平山堂題壁

居士閒堂此尚傳風流猶鎖廣陵烟數峯青峭橫天外萬樹
驚濤落檻前淮海文章新事業竹西歌吹舊塵緣錦帆千里
人何處日暮牛羊下阪田